

## Operacionet e suksesshme

### INTERPOL


- Në vitin 2012, niveli i mirë i bashkëpunimit brenda kornizave të INTERPOL-it ndërmjet EULEX-it dhe autoriteteve përkatëse ligj-zbatuese në Austri, Bosnjë dhe Hercegovinë, Kroaci, Gjermani, Itali dhe Slloveni çoi në arrestimin e 18 të dyshuarve, të akuzuar për krim të organizuar dhe kontrabandë emigrantësh. Dy prej tyre ishin shqiptarë të Kosovës, që u arrestuan në Kosovë nga një ekip i përbashkët hetimor i EULEX-it dhe Policisë së Kosovës.

### EUROPOL

- Më 29 janar 2013, 10 vende evropiane dhe EULEX-i u përfshinë në një aksion të përbashkët të mbështetur dhe koordinuar nga EUROPOL-i, i cili rezultoi me arrestimin e 103 personave të dyshuar si pjesë e një rrjeti të kontrabandimit të njerëzve. Në të njëjtën ditë, në kuadër të këtij aksioni të përbashkët mbarëevropian, në Kosovë u arrestuan edhe tre persona; 12 të tjerë pjesë e të njëjtit rrjet kriminal ishin arrestuar tashmë në Kosovë në vitet 2011 dhe 2012.
- “Operacioni i Përbashkët Policor Europe 2013” i udhëhequr nga Italia dhe i mbështetur nga EUROPOL-i, i cili rezultoi në sekuestrimin e 129 automjeteve të vjedhura me një vlerë të vlerësuar prej gati 2 milionë eurosh, u bë me pjesëmarrjen e autoriteteve ligj-zbatuese nga Shqipëria, Austria, Belgjika, Bosnja dhe Hercegovina, Kroacia, Gjermania, Hungaria, Italia, Kosova, Moldavia, Mali i Zi, Maqedonia e Veriut, Rumania, Serbia, Sllovenia dhe Mbretëria e Bashkuar, si dhe me pjesëmarrjen e EULEX-it, Eurojust-it, Frontex-it dhe INTERPOL-it.
- Më 21 mars 2018, Sllovenia, Kosova, EULEX-i dhe EUROPOL-i punuan së bashku për arrestimin e 12 kontrabanduesve të emigrantëve që vepronin në Ballkan, tetë prej të cilëve në Kosovë.
- Në mars të vitit 2021, pas një kërkesë të Policisë së Kosovës, EULEX-i e lehtësoi shkëmbimin e informacioneve përmes EUROPOL-it për një operacion të përbashkët të madh të kryer nga EUROPOL-i, Shqipëria dhe disa shtete anëtare të BE-së që kishte për cak dy grupe të krimit të organizuar që merreshin me trafikimin e qenieve njerëzore dhe falsifikimin e dokumenteve.

### Protokolli për Bashkëpunimin Policor ndërmjet EULEX-it dhe Ministrisë së Punëve të Brendshme të Serbisë

- Më 27 mars 2020, Policia e Serbisë kërkoi nga EULEX-i që të verifikonte me Policinë e Kosovës nëse një person i zhdukur që udhëtonte nga Kosova për në Serbi ishte arrestuar apo pranuar në ndonjë spital në Kosovë. Policia e Kosovës u përgjigj menjëherë duke thënë se kontrollet e bëra në burgje, spitale dhe në të gjitha qendrat e karantinimit për COVID-19 ishin negative. Në të njëjtën ditë, vetura e personit të zhdukur është gjetur në një fshat afër një pikë-kalimi të përbashkët me Serbinë dhe më 3 maj 2020 personi i zhdukur është gjetur i vdekur. Gjatë gjithë këtij operacioni, bashkëpunimi mes dy agjencive ligj-zbatuese ka qenë i shkëlqyer.
- Më 23 mars 2021, EULEX-i e lehtësoi kthimin e pajisjeve të konfiskuara në Policinë e Kosovës, duke përfshirë një automjet, armët personale dhe pajisje të tjera policore. Pajisjet ishin konfiskuar në mars të vitit 2012 kur policët serbë i arrestuan dy policë të Kosovës, të cilët u liruan më vonë.
- Më 28 maj 2021, një shtetas serb 31 vjeçar, i cili po udhëtonte me motoçikletë nga Beogradi, Serbi për në Graçanicë, Kosovë u zhduk. Të nesërmen, autoritetet serbe i dërguan një kërkesë urgjente EULEX-it duke kërkuar hetim për vendndodhjen e personit të zhdukur. Më 30 maj 2021, personi u gjet i gjallë në një greminë. Pjesëtarët e Njësisë Policore të Specializuar të EULEX-it, të cilët ishin në patrullim vëzhgues, i dhanë ndihmën e parë të lënduarit, i cili më pas u transferua në spital. Më 14 qershor 2021, autoritetet serbe i dërguan një mesazh urgjent EULEX-it duke thënë se një person mashkull kishte shkuar në një fshat në Serbi dhe e kishte përdhunuar një vajzë 14-vjeçare në mënyrë që të martohej me të. Më 15 qershor 2021, Policia e Kosovës ka hyrë në shtëpinë e të dyshuarit, ku janë gjetur autori dhe viktimja e mitur e zhdukur. I dyshuari dhe viktimja janë shoqëruar në stacionin policor dhe me urdhër të Prokurorit të Shtetit i dyshuari është ndaluar në mbajtje për 48 orë. Rasti u cilësua si përdhunim, kurse viktimja e mitur u vendos në një strehimore për viktimat e dhunës në baza gjinore.



# Bashkëpunimi Policor Ndërkombëtar me pak fjalë



## Si funksionon shkëmbimi i informacioneve?

- 1) Ndërmjet Kosovës dhe vendeve të ndryshme, ai bazohet në marrëveshjet dypalëshe për bashkëpunimin policor.
- 2) Ndërmjet Policisë së Kosovës dhe Ministrisë së Punëve të Brendshme të Serbisë, ai lehtësohet përmes EULEX-it në bazë të Protokollit për Bashkëpunimin Policor ndërmjet EULEX-it dhe Ministrisë së Punëve të Brendshme të Serbisë.
- 3) Ndërmjet Policisë së Kosovës dhe EUROPOL-it, ai lehtësohet përmes zyrës suedeze EUROPOL-SIENA të drejtuar nga EULEX-i. Më 28 korrik 2020, ka hyrë në fuqi një Marrëveshje Pune që i përcakton marrëdhëniet për bashkëpunim ndërmjet autoriteteve ligj-zbatuese të Kosovës dhe EUROPOL-it. Në shtator 2021, Kosova ka paralajmëruar që së shpejti do ta caktojë një Zyrar Ndërlidhës në EUROPOL. Kjo Marrëveshje Pune do ta përforcojë shumë bashkëpunimin e drejtpërdrejtë ndërmjet Kosovës dhe EUROPOL-it.
- 4) Ndërmjet Policisë së Kosovës dhe Zyrave Qendrore Kombëtare të INTERPOL-it, ai lehtësohet përmes Zyrës Ndërlidhëse me Interpolin në kuadër të UNMIK-ut. Ekspertët e EULEX-it janë pjesë e Zyrës Ndërlidhëse të UNMIK-ut me Interpolin.

## Pse është i rëndësishëm bashkëpunimi policor ndërkombëtar?

Falë mekanizmave të bashkëpunimit policor ndërkombëtar, të dhënat e besueshme janë në dispozicion me kohë, gjë që u mundëson autoriteteve ligj-zbatuese që të:

- parandalojnë dhe luftojnë krimet e organizuara, terrorizmin dhe format tjera të krimeve të rënda;
- hetojnë krimet e rënda dhe të organizuara, krimet ndër-kufitare dhe format tjera të krimeve të rënda;
- arrestojnë ndonjë kriminel;
- zgjidhin krimet me dimension ndërkombëtar;
- shkëmbejnë të dhëna kriminale dhe të inteligjencës me vendet tjera.

## Cili është roli i EULEX-it?

EULEX-i e mbështet Policinë e Kosovës në fushën e bashkëpunimit policor ndërkombëtar duke e lehtësuar shkëmbimin e informacioneve ndërmjet Policisë së Kosovës dhe INTERPOL-it, EUROPOL-it apo Ministrisë së Punëve të Brendshme të Serbisë përmes kanaleve të sigurta. Nga viti 2008 deri në qershor 2018, ky bashkëpunim ka rezultuar në më shumë se 100 arrestime.

EULEX-i ka organizuar kurse trajnimi për ngritjen e kapaciteteve dhe vizita studimore për përfaqësuesit e Policisë së Kosovës.

## Numri i kërkesave të pranuar dhe të dërguara nga EULEX-i nga viti 2017 deri në vitin 2021:

	Kanali i INTERPOL-it	Kanali i EUROPOL-it	Protokolli ndërmjet EULEX-it dhe Ministrisë së Punëve të Brendshme të Serbisë
2017	2241	117	239
2018	1717	115	208
2019	2740	292	281
2020	1760	340	702
2021 (deri 09.11.2021)	1124	530	752

## Kurset e trajnimit dhe vizitat e organizuara nga EULEX-i

- 2015 Trajnim për personelin e Njesisë Koordinuese për Zbatimin e Ligjit Ndërkombëtar (ILECU) të Policisë së Kosovës për standardet e INTERPOL-it dhe EUROPOL-it për komunikim dhe rregullat dhe rregulloret përkatëse.
- 2016 Punëtori për personelin e Doganës së Kosovës dhe Policisë së Kosovës për parandalimin dhe luftimin e trafikimit të mallrave të paligjshme.
- 2016 Sesion trajnues për Policinë e Kosovës lidhur me instrumentat dhe kanalet e bashkëpunimit policor ndërkombëtar.
- 2016 Trajnim mbi standardet e INTERPOL-it dhe EUROPOL-it për komunikimin, çështjet e mbrojtjes së të dhënave dhe rregullat dhe rregulloret që i rregullojnë aktivitetet operacionale të Zyrës Qendrore Kombëtare.
- 2016 Vizitë studimore e përfaqësuesve të ILECU në Zyrën Qendrore Kombëtare të INTERPOL-it të Athinës, Greqi.
- 2017 Vizitë studimore për përfaqësuesit e ILECU në selinë e EUROPOL-it në Hagë, Holandë.
- 2018 Trajnim për përfaqësuesit e ILECU për mbrojtjen e trashëgimisë kulturore në Romë, Itali.
- 2018 Vizitë studimore për përfaqësuesit e Policisë së Kosovës në Zyrën Evropiane Kundër Mashtrimit (OLAF) në Bruksel, Belgjikë.
- 2019 Trajnim mbi parimet e bashkëpunimit policor ndërkombëtar për përfaqësuesit e Policisë së Kosovës në Shërbimin e Inteligjencës Kriminale në Austri.
- 2019 Punëtori për zyrtarët e Policisë së Kosovës për luftimin e krimeve mjedisore.
- 2019 Vizitë studimore për përfaqësues të Policisë së Kosovës në Komandën e Karabinierëve Italianë për Mbrojtjen e Mjedisit në Romë, Itali.
- 2021 Takime të ekspertëve të EUROPOL-it me përfaqësues të Policisë së Kosovës dhe Agjencisë Kosovare të Mjekësisë Ligjore lidhur me atë se si mund ta mbështesë EUROPOL-i Kosovën në luftën e saj kundër falsifikimit të monedhave.